

9. Lidia

Handelinge 16:11-15

VERWELKOMING:

5 MIN

YSBREKER:

25 MIN

- As iemand vir jou R100 miljoen gee, hoe sal jou lewenstyl verander?
- Waar is die interessantste/vreemdste plek waar jy al kerk gehou het?

AANBIDDING:

5 MIN

Sing Lied 200 saam as julle aanbidding:

U goedheid, Heer, kan ons nie peil nie wie word daardeur nie diep getref! Niks anders bring vir ons die heil nie - ons wil ons hart tot U verhef. Aan U alleen ons dank en ere - U wat ons in u liefde lei. U sal ons nooit vergeet nie, Here - U wil ons in u waarheid lei.	2. U is die Heer wat ons gemaak het, voor U kom ons, u skepsels, staan; U is die Heer wat steeds gewaak het, deur wie ons gans en al bestaan. U bring in ons gemoed die vrede, U sterk ons gees met nuwe krag; U gee u lig ook oor ons rede - dis U van wie ons heil verwag.	3. Sou ek, o Heer, U nie vereer nie, sou ek u goedheid nie verstaan? Sou U my raad gee, ek nie leer nie, die weg wat U my wys nie gaan? Nee, Heer, U rig my wil en strewe; u Woord bly my gedurig by. Vul met u liefde ook my lewe om my in alles U te wy.
---	---	---

BYBELSTUDIE:

35 MIN

Lees Handelinge 16:11-15 deurdat elkeen een vers hardop lees.

- Watter van die volgende sal jou die meeste beïndruk van Lidia?
 1. Sy was 'n sakevrou op 'n tydstip toe daar baie min was
 2. Haar hart was dadelik ontvanklik vir die evangelie
 3. Sy het haar hele huisgesin oorgehaal om hulle te laat doop
 4. Sy was gewillig om haar huis vir vreemdelinge oop te stel
- Lidia het daarin geslaag om vir haar besigheid, geestelike lewe en huisgesin te sorg. Hoe sou jy jouself op 'n skaal van 1 tot 10 beoordeel in terme van jou (a) professionele lewe, (b) geestelike lewe, (c) huislike lewe?
- Lidia se aanbiddingsplek was by die rivier. Waar is jou gunsteling plek om God te ontmoet?
- Die eerste bekeerling in Europa is 'n vrou (soos die eerste persoon aan wie Jesus openbaar dat Hy die Messias is (die samaritaanse vrou by die put) en die eerste getuie van sy opstanding(Maria Magdalena)). Hoe sien God vroue?
- Wat maak Lidia besonder?
- Watter van die 9 vroue in hierdie reeks het die grootste verskil in jou lewe gemaak? Hoe?
- Wat het hierdie reeks vir jou beteken?

DIENSWERK:**5 MIN**

Bespreek julle dienswerkprojekte tot dusver vanjaar.

GEBEDSRIGLYN:**10 MIN**

Wat het julle in hierdie studies van God geleer?

Hoe kan julle nou saambid?

ADMINISTRASIE:**5 MIN**